



治痢神書證治烈方

二

ヤ 9
864
2



門 中
卷 2



精選泄瀉神書中之卷



泄瀉

會稽 張必賓 會卿著
會稽 魯超 謙菴訂

經義

金匱真言論曰長夏善病洞泄寒中
陰陽應象大論曰清氣在下則生飧泄濁氣在上則生臌脹
濕勝則濡泄○春傷於風夏生飧泄○水穀之寒濕感則害
人六腑

世醫神書

中

平野軒刊

臟氣洽時論曰脾病者虛則腹滿腹鳴飧泄食不化

百病始生篇曰虛邪之中人也雷而不太傳舍於腸胃多寒則

腸鳴飧泄食不化多熱則溏出糜

舉痛論曰寒氣客於小腸小腸不得成聚故後泄腹痛矣○怒

則氣逆甚則嘔血及飧泄故氣上矣

經脈篇曰脾所生病心下急痛溏瘕泄○肝所生病胸滿嘔逆

飧泄狐疝

宜明五氣篇曰大腸小腸為泄

厥論曰少陰厥逆虛滿嘔變下泄清

太陰陽明論曰食飲不節起居不時者陰受之陰受之則入五

臟入五臟則膜滿閉塞下為飧泄久為腸澼

陰陽別論曰一陽發病少氣善欬善泄

邪氣臟腑病形篇曰肺脈小甚為泄○腎脈小甚為洞泄

脈要精微論曰胃脈實則脹虛則泄○數動一代者病在陽之

脈也洩及便膿血○久風為飧泄○倉廩不藏者是門戶不

要也水泉不止是膀胱不藏也得守者生失守者死

平人氣象論曰尺寒脈細謂之後泄

玉機真臟論曰脈細皮寒氣少泄利前後飲食不入此謂五虛

○泄而脈大脫血而脈實皆難治

師傳篇曰臍以上皮熱腸中熱則出黃如糜○臍以下皮寒胃

中寒則腹脹腸中寒則腸鳴飧泄○胃中寒腹中熱則脹而
且泄

論疾診尺篇曰大便赤辨飧泄脉小者手足寒難已飧泄脉小
手足溫泄易已○春傷於風夏生後泄腸澼

欬論曰五臟各以治時感於寒則受病微則為欬甚則為泄為
痛

熱病篇曰泄而腹滿甚者死

王版篇曰其腹大脹四末清脫形泄甚是一逆也○腹鳴而滿
四肢清泄其脉大是二逆也○欬嘔腹脹且飧泄其脉絕是
三逆也

標本病傳論曰先病而後泄者治其本○先泄而後生他病者
治其本

四時氣篇曰飧泄取三陰之上補陰陵泉皆久留之熱行乃止
氣交變大論曰歲木太過民病飧泄食減體重煩冤腸鳴腹支
滿○歲火太過民病血溢血泄注下○歲土太過民病腹滿
溇泄腸鳴反下甚○歲水太過上臨太陽病反腹滿腸鳴溇
泄食不化○歲木不及民病少腹痛腸鳴溇泄○歲火不及
復則埃鬱病驚溇腹滿食飲不下寒中腸鳴泄注腹痛○歲
土不及民病飧泄霍亂體重腹痛○歲金不及民病血便注
下○歲水不及民病身重濡泄

五常政大論曰卑監之紀上角與正角同其病飧泄邪傷脾也
○發生之紀上徵則其氣逆其病吐利

六元正紀大論曰不遠熱則熱至不遠寒則寒至寒至則堅痞
腹滿痛急下利之病生矣熱至則身熱吐下霍亂血溢血泄
淋瀝之病生矣○太陰所至為中滿霍亂吐下○厥陰所至
為腸痛嘔泄○少陽所至為暴注○太陽所至為流泄禁止
至真要大論曰歲少陽在泉火淫所勝民病泄赤白少腹痛
尿赤甚則血便少陰回候○厥陰司天風淫所勝民病食則
嘔冷泄腹脹溇泄瘦水閉病本於脾○少陽司天火淫所勝
民病泄注赤白○陽明司天燥淫所勝民病寒清於中感而

瘡效腹中鳴注泄鶩瀉病本於肝○厥陰之勝腸鳴飧泄少
腹痛注下赤白○少陰之勝腹滿痛溇泄傳為赤沃○大陰
之勝濕化乃見善注泄○陽明之勝清發於中左胛脇痛溇
泄○太陽之勝寒入下焦傳為濡泄○陽明之復清氣大來
甚則心痛痞滿腹脹而泄○諸病水液澄澈清冷皆屬於寒
○暴注下迫皆屬於熱

論證 共三條

凡內經有言飧泄者有言濡泄者皆泄瀉也有言腸澼者即下
痢也然痢之初作必由於瀉此瀉之與痢本為同類但瀉淺
而痢深瀉輕而痢重瀉由水穀不分出於中焦痢以脂血傷

敗痛在下焦在中焦者濕由脾胃而分於小腸故可澄其源所以治宜分利在下焦者病在肝腎大腸分利已無所及故宜調理真陰并助小腸之主以益氣化之源此瀉痢之證治有不同而門類亦當有辨然病實相關不可不兼察以為治也

一泄瀉之本無不由於脾胃蓋胃為水穀之海而脾主運化使脾健胃和則水穀腐熟而化氣化血以行營衛若飲食失節起居不時以致脾胃受傷則水反為濕穀反為滯精華之氣不能輸化乃致合汚下降而瀉痢作矣脾強者滯太即愈此強者之宜清宜利可逐可攻也脾弱者因虛所以易瀉因瀉

所以愈虛蓋關門不固則氣隨瀉去氣去則陽衰陽衰則寒從中生固不必外受風寒而始謂之寒也且陰寒性降下必及腎故瀉多必亡陰謂亡其陰中之陽耳所以泄瀉不愈必自太陰傳於少陰而為腸澼腸澼者豈非降泄之甚而陽氣不升臟氣不固之病乎凡脾胃氣虛而有不升不固者若復以寒之復以逐之則無有不致敗者此強弱之治大有不同故凡治此者有不可槩言清利也

一泄瀉之因惟水火土三氣為最夫水者寒氣也火者熱氣也土者濕氣也此瀉痢之本也雖曰水亦能瀉實以土之受傷也金亦能瀉實以金水同氣因其清而失其燥也知斯三者

若乎盡矣。然而三者之中則又惟水火二氣足以盡之。蓋五行之性不病於寒則病於熱。大都熱者多實虛者多寒。凡實熱之證必其脈盛形強聲音壯亮。食飲裕如舉動輕捷者此多陽也。虛寒之證必其脈息無力形氣少神言語輕微舉動疲倦者此多陰也。故必察其因而於初瀉之時即當辨其有餘不足則治無不愈而亦不致有誤矣。

分別治法 共二條

凡泄瀉之病多由水穀不分故以利水為上策。然利水之治法有不同。如濕勝無寒而瀉者宜四苓散小分清飲之類主之。但欲分其清濁也。○如濕挾微寒而瀉者宜五苓散胃苓湯

之類主之。以微溫而利之也。○如濕熱在脾熱渴喜冷而瀉者宜太分清飲茵陳飲益元散之類主之。太其濕熱而利之也。

一泄瀉之病多見小水不利。水穀分則瀉自止。故曰治瀉不利小水非其治也。然小水不利其因非一而有可利者有不可利者宜詳辨之。○如濕勝作瀉而小水不利者以一時水土相亂併歸大腸而然也。○有熱勝作瀉而小水不利者以火乘陰分水道閉澁而然也。○有寒瀉而小水不利者以小腸之火受傷氣化無權而然也。○有脾虛作瀉而小水不利者以土不制水清濁不分而然也。○有命門火衰作瀉而小水

不利者以真陰虧損元精枯涸而然也。凡此皆小水不利之候。然惟暴注新病者，可利。形氣強壯者，可利。酒濕過度，口腹不慎者，可利。實熱閉澀者，可利。小腹脹滿，水道痛急者，可利。○又若病久者，不可利。陰不足者，不可利。脉證多寒者，不可利。形虛氣弱者，不可利。口乾非渴而不喜冷者，不可利。益虛寒之瀉，本非水有餘，實因火不足。本非水不利，實因氣不行。夫病不因水而利，則亡陰瀉以火虛而利，復傷氣，倘不察其所病之本，則未有不愈虛而速其危者矣。

諸泄瀉論治 共九條

一 泄瀉之暴病者，或為飲食所傷，或為時氣所犯，無不由於口

腹必各有所因，宜察其因而治之。○如因食生冷寒滯者，宜抑扶煎和胃飲之，屬以溫之。○因溫滯者，宜平胃散、胃苓湯，或白朮芍藥散以燥之，利之。○因食滯而脹痛有餘者，宜太小和中飲之，屬以平之。○因氣滯而痛瀉之甚者，宜排氣飲，或平胃散之屬以調之。○因食滯而固結不散，或胃氣之強實者，宜神祐丸、赤金豆、百順丸之屬以行之。○凡初感者，病氣未深，臟氣未敗，但略去其所病之滯，則胃氣自安，不難愈也。

一 凡脾胃氣稍弱，陽氣素不強者，一有所傷，未免即致泄瀉。此雖為初病，便當調理元氣，自非強盛偶傷者之比。○如因瀉而

神氣困倦者宜養中煎或溫胃飲或聖木煎或四君子湯或五君子煎○如微寒兼滯而不虛者宜佐關煎○若脾虛而微滯者宜五味異功散○若脾虛而微寒微滯者宜六味異功煎或溫胃飲○若因飲食不調忽而瀉瀉以漸而甚或見微痛但所下酸臭而顏色淡黃便是脾虛胃寒不化之證即宜用五德丸再甚者即宜用胃關煎切勿疑也

一凡兼真陰不足而為泄瀉者則或多或少臍下之痛或於寅卯時為甚或食入已久反多不化而為嘔惡瀉瀉或瀉不甚臭而多見完穀等證蓋因丹田不煖所以尾閭不固陰中少火所以中焦易寒此其咎在下焦故曰真陰不足也本與中焦無

涉故非分利所及也惟胃關煎一劑乃為最上之乘且人之患此者最多勿謂其為新病而不可用也勿謂其為羊少而未宜用也覺有是證即宜是藥劑少功多攸利非小但知者見其先味者見其後見其後恐見之遲矣所以貴先見也

一腎泄證即前所謂真陰不足證也每於五更之初或天將明時即洞泄數次有經月連年弗止者或暫愈而復作者或有痛者或有不痛者其故何也蓋腎為胃關閉竅於二陰所以二便之開閉皆腎臟之所主今腎中陽氣不足則命門火衰而陰寒獨盛故於子丑五更之後當陽氣未復陰氣盛極之時即令人洞泄不止也古方有椒附丸五味子散皆治此之

良方若必欲陽生於陰而腎氣充固則又惟八味地黃丸為
宜然余嘗用此則似猶未盡善故特製胃關煎一烝丹丸烝
丹復陽丹之屬斯得其濟者多矣或五味子丸亦佳其有味
甚者則如五德丸四神丸皆其最宜者也

一凡脾泄久泄證大都與前治脾弱之法不相遠但新瀉者可
治標久瀉者不可治標且久瀉無火多因脾腎之虛寒也○
若止因脾虛者惟四君子湯參朮湯參苓白朮散之屬為宜
○若脾胃兼寒者宜五君子煎黃芽丸五德丸○若脾氣虛
八味地黃湯或胃關煎○若脾虛瀉泄久不能愈或小兒脾
泄不止者止瀉用敦阜糕粘米固腸糕亦易見效○若脾胃寒

濕而瀉瀉不止者蒼朮丸亦佳○若久瀉元氣下陷大腸虛
滑不收者須於補劑中加烏梅五味子栗殼之屬以固之
一瀉如傾元氣漸脫者宜速用四味回陽飲或六味回陽飲
主之凡暴瀉如此者無不即效若久瀉至此猶恐無及蓋五
奪之中惟瀉最急是不可見之不早也倘藥未及效仍宜速
灸氣海以挽回下焦之陽氣仍須多服人參膏

一酒泄證飲酒之人多有之但酒有陰陽二性人有陰陽二臟
而人多不能辨也夫酒性本熱酒質則寒人但知酒有濕熱
而不知酒有寒濕也故凡因酒而生濕熱者因其性也以藥
汁不滋陰而悍氣生熱也因酒而生寒濕者因其質也以性

水滸補書
三本車升
太質不_太而水雷爲寒也何以辨之常見人有陽強氣克而善飲者亦每多泄瀉若一日不瀉反云熱悶蓋其隨飲隨瀉則雖瀉不致傷氣而得瀉反以太濕此其先天稟厚胃氣過入者也最不易得亦不多見此而病者是爲陽證不過宜清宜利如四苓散太分清飲或酒蒸黃連丸之類太其濕熱而病可愈也○若陽虛之人則與此大異蓋脾虛不能勝濕而濕勝卽能生寒陽氣因寒所以日敗胃氣因濕所以日虛其證則形容漸羸飲食漸減或脉息見弦細或口體常怯寒或臍腹常有隱疼或眩暈常多困倦或不安於五鼓或加甚於秋冬但無熱證可據而常多殮泄者則總屬虛寒也凡若此

者若不速培陽氣必致漸衰而日以危矣余於四旬之外亦嘗病此數年其勢已窘因徧求治法見朱丹溪曰因傷於酒每晨起必瀉者宜理中湯加葛根或吞酒蒸黃連丸王節齋曰飲酒便泄者此酒積熱瀉也宜加黃連茵陳乾姜木香之屬薛立齋曰若酒濕未散脾氣未虛宜用此藥分別濕熱若濕熱已去中氣被傷宜用六君調補中氣又曰酒性太熱乃無形之物無形元氣受傷當用葛花解醒湯分消其濕凡此諸論若已盡之然朱王二家之說則不分寒熱皆用黃連是但知酒之有熱而不知酒之有寒烏足憑也惟薛氏之說雖亦云酒性太熱而所重在脾誠若善矣余因效之初服葛花

解醒湯不效，繼服六君子補中益氣湯，又不效，再服理中，以至八味俱不效，斯時也，計窮力竭，若無再生之望矣。因潛思熟計，料非峻補命門終無益也。乃自制雷關煎，右歸丸，一丸丹等方以治其病，仍絕口不飲，以杜其源，調理年餘，竟得全愈。自後始明性質之理，多得濟人，向使已無確見，執信濕熱之說而妄用黃連乾葛清涼分利之劑，則焉望其有今日，即或自用稍遲，則既甚亦難挽矣。矧今人之病，此者最多，而是陰是陽不可不辨。凡陽盛者，脾強胃健而氣不易奪者也。故治本無難，而泄亦無慮。陽衰者，脾腎既傷，則脫氣最易，故宜防其無及，不可不為深慮也。若必以酒為熱，則其為古法所

誤者，誠不少矣。

一氣泄證，凡遇怒氣便作泄瀉者，必先以怒時挾食致傷脾胃，故但有所犯，即隨觸而發，此肝脾二臟之病也。蓋以肝木尅土，脾氣受傷，而然使脾氣本強，即見肝邪未，必能入。今既易傷，則脾氣非強可知矣。故治此者，當補脾之虛，而順肝之氣，此固大法也。但虛實有微，甚則治療宜分輕重耳。○如稟壯氣實年少，而因氣泄瀉者，可先用平胃散，或胃苓湯。○若肝氣未平，而作脹滿者，宜解肝煎，先順其氣。○若脾氣稍弱者，宜二朮煎，或粘米固腸糕，或消食導氣飲。○若脾氣稍寒者，宜抑扶煎，吳茱萸散，或蒼朮丸。○若脾弱居多者，宜溫胃飲。

聖木煎或六味異功煎○若既畏此證為患則必須切戒氣怒

一風泄證亦當辨其風寒風熱而治之熱者如傷寒外感熱利之屬是也宜以傷寒門自利條諸法治之寒者以風寒在胃而脾土受傷如內經所云春傷於風夏生飧泄之屬是也宜以前溫胃理中之法治之

述古 共六條

丹溪曰世俗例用澁藥治瀉若瀉而虛者或可用之若初得之者必變他證為禍不小殊不知瀉多因濕惟分利小水最為上策

薛立齋曰凡傷食瀉黃若飲食已消而泄瀉未止此脾胃之氣傷也宜用五味異功散○若泄瀉而腹中重墜此脾氣下陷也宜補中益氣湯○若服剋伐之劑而腹中空狹此脾氣虛痞也宜六君子湯○若腸脹善怒瀉青此肝乘脾虛也宜六君加柴胡升麻木香○若少食體倦善噫瀉黃此脾虛氣陷也宜六君加升麻柴胡

又立齋曰凡久瀉脾胃虛弱或作嘔或飲食少思屬脾胃虛弱用四君子加半夏木香○或腹痛屬脾胃虛寒用六君加炮薑木香○大抵此證多由泛用消食利水之劑損其真陰元氣不能主持遂成久瀉若非補中益氣湯四神丸滋其本源

後必胸痞腹脹小水淋瀝多致不起

又立齋曰若久瀉腸胃滑泄不禁但脾胃虛寒下陷者用補中
 益氣湯加木香肉豆蔻補骨脂○若脾氣虛寒不禁者用六
 君子湯加炮姜肉桂○若命門火衰而脾土虛寒者用八味
 丸○若脾胃俱虛者用十全大補湯送四神丸○若大便滑
 利小便閉澁或肢體漸腫喘嗽唾痰脾腎氣血俱虛宜用十
 全大補湯送四神丸或宜金匱加減腎氣丸○每見元氣既
 虛而復用五苓之類因損真陰以致前證益甚者急投金匱
 腎氣丸多有得生者若反用牽牛大黃峻劑而通之是速其
 危也

又立齋曰大凡黃連枳實雖消停滯開痞悶若人脾胃克實暴
 患實痞宜暫用之若屢患屢服或脾胃虛痞者用之則脾胃
 反傷而諸證蜂起矣故東垣先生曰脾胃實者用黃連枳實
 瀉之虛者用白朮陳皮補之

徐東臯曰大抵諸泄瀉證各宜以類推求必先分利後實脾土
 益元氣無不全愈

精選世瀉神書終

